



# Ka're

Leveled



Sidaamu Afoo



Kuni irkisaanchu maxaafi 'USAID'inni afi'nonni woxu irkonni  
'Save the Children'i, Rosu Ministerenna Wodiidi Daga  
Dagoominna Manni Qoqqowu Mangiste Rosu Biiro mittimmate  
sumiimmenni qixxaawe attamamino.

2009 M.D



The CC By license lets others distribute, adjust, and build upon this work, for free or commercially, as long as credit is given to the original creation. However, any changes from the original must be indicated.


For more info please refer: <https://creativecommons.org/licenses/>



# Ka're

Kifile 3

Lamala 11




## Qaagiishsha

Aante shiqqino niwaawe (dhagge) illachishshannohu nabbawate huwato aanaati. Niwaawete albaanninna gedensaanni noo xa'mo dawartannota xawisatenni niwaawete mereero shiimare taxxi yitanni nabbabbinore xaphi assidhanno gede kaayyo uyiyyensa. Rosaano niwaawe nabbawate albaanni konni albaanni affinore kultanno gede xa'matenni jawaachishshensa. Konni garinni rosaanonna niwaawe nabbawate hasatto kakkayissinihu gedensaanni niwaawe nabbawa hananfona. Rosaano irkissinanni baali, xa'muwa dawarate rosaano baala beeqqa assitanno gede jawaachishshensa. Uytanno dawarono haadhinanni taashshi'ri-tumo uyiyyensa.

### Nabbawate Albiidi Xa'mo

Biddissa: Niwaawe nabbawakkira balaxxe tenne woriidi xa'mo dawarate wo'naali.

1. Worba woy jawaata manchooti yinannihu/ti maricho assanno/itannote?
2. Ki'nete worbaho/te yitinannihu/ti ayeti? Mayra worba ikki/tu?



## Ilamishsha

Ka're tonnu diri beettooti. Annise su'mi Bakkaalo ikkanna amase su'mi Laapheeti. Ka're maatesera bayira beettono ikka hoogguro seennu giddo umite.

Ka're sase kifile rosaancho ikkite rosoho worba beettooti.

Worba calla ikkitukkinni maateserano  
ollaahono lawishsha ikkitinote. Ise  
qarooyyimmanni rosinokkihu dino.

Ka're worba ikkite maateseranna  
qachaho baxantara  
dandiitino hu yannase garunni  
horoonsidhanno huraati. Konne assitara  
dandiitino hu amasera fulteeti.

Meyati jawaatte guma afi'nore assite  
diaffanno yinannire diadhitanno.

Mixotenninna daafuro cincatenni  
loonsiro dancha guma mixxa  
dandiinanni yitannori noose.

## Mini Giddo

Ka're soodo gutte ka'uro addi addire assitanno. Ceatenni goxxinowinni baqqi yite feyancho biddi assite mine fittanno. Hakkichinni, fittino ishine tugge higge waa dirritanno.

Waa dirrite dagguro, shooma rahe iillishate amasera looso kaa'litanno. Lawishshaho, giira gamba assanna affu koottalo xinqisiisse giira iibbisha loososeeti.

Ganfoonniiri iilliro ama intannire raissa geesha buna gaaffanno.



Bununna shoomu mitteenni iillanno  
woyite haadhe shiqishshanno.  
Ka'aanni shoo'mitanni ka'aanni buna  
xorshitanno. Siinna amate ledo  
kaa'lame hayishsheenna rosu minira  
hadtanno.

Soodota hadhe barra rosu mininni higguro sagalese itte shiima geeshsha fooliishsho assidhanno. Hakkiichinni ama hoqqitannowa marte assitannore la'anno. Hasiisannosere shiqishshanni ledose keeshitanno.

Amase ledo gatinni fulturo nafarinsa xawira fulte jaallase ledo godo'litanne. Godo'litanne yanna guddukkinni rakke higge wayi nookkiro la'e oosote ledo hadhe waa dirritanno. Wayi eelinni fuliro, Ka're noowa oosichu doogote afi gede ikkanni keeshshannokkita ayino afino.

Hakkiinni higge boode yanna  
geeshsha techo rossinoha xiinxawa  
hanaffanno. Techoha techolla ikkinnina  
ga'ara gashshi'ra dibaxxanno.

Borreessidhannori gobbaanni wole  
maxaaffano nabbabbanno.

Hawarre leeshshi yaanno woyite  
hurbaateho qishshanni noota ama  
kaa'litanno. Hurbaatu iilliro anga  
hayishshishsheenna mitteenni  
hurbaaxxe kairo angate waanna  
saamuna shiqishshanno. Amaseranna  
anniserano lekka hayishsha baxxanno.



Hurbaatu gedensaanni aye woyiteno  
mini loosi nooro loosi'rate higganno.  
Mitte xa'mono gatissukkinni xaphi  
assite loosse dawarose gara  
ikkitinoronna hoogginoro maxaafunni  
buuxxanno.

Hakkonne ka'urop ga'a rossannoha  
maxaafunni la'e leellisere amaxxite  
leellinosekkire rossanno woyte  
iillate gashshidhanno. Fushshidhino  
pirogiraame garinni assitinota buuxidhe  
ka'e goxxanno. Woleno mixi'rate  
quqquxu amadannose.

Ka're assitannorira baalaho mixo  
fushshidhanno. Barraho fushshidhinoti  
loossinoronna hoogginoro buuxidhanno.  
Fushshidhino garinni assiteenna  
yanna tirfitusero ga'ara halashshite  
mixidhanno.

Mixidhe assitinori garunni loosamiro  
hagiirrise lowoho.

## Rosu Mine

Ka're rosu mine marturo kifilete giddo  
rosiisaanose garunni ha'runsitanno.

Kifilete looso uyiniro rakke rakke loose  
shiqishshe jawaantesenna laanfese  
baddara hasidhanno. Wolootano  
jawaatara kakkayissannonsa.

Leellinosekkire xa'mite buuxxukkinni  
diagurtanno. Wolere assitanni yanna  
huntara dihasidhanno.



Rakkanno gara la'e wolootu, “Woy ise gedella ikkino!” yite halchitanno.

Ka're fooliishhote yannara shiimicco yanna calla godo'lite addi addire assitanno. Kifilesenna wole kifile seenne gamba assite jawaatanna qarooyye ikkara amaaltanno.

Mixi'nanni garanna mixi'noonnire loosu  
aana hosiinsanni doogga xawissanonsa.

Ka're rosu mine nabbawatenna  
borreessate kilawera miilate. Kilawete  
giddo jawaante afidhinokki rosaano  
addi addi hayytonni irkisa baxxanno.  
Seenneno ikko labballo worbe guuta  
ikka geeshsha nabawisiissanno.

Borreessinanni gara guutisateno  
addi addi assoote qixeessite  
wo'naalsiissanno. Ise ledo honsohu  
woyyaambe leellishanninna lexxanni  
ha'ranno. Oosichonsa Ka're ledo hosara  
seejji'rannokkinku dino.

Lamalate giddo mitto barra mine  
maatese fajjishiishidhe rosu mine  
kilawete loosira beeqqa assitanno.

Kilawete massagaano fushshitanno  
mixo garinni umoseno kaa'lite  
wolootano irkissanno.

Ka're nabbawatenna borreessate kilawe  
gobbaanni borreessammetenna diraamu  
kilawera lamalatenni mitto barra  
beeqqa assitanno. Rosaanote ledo addi  
addi godo'le dana ikkino diraamano  
loossanni kiirono qixxeessitanno.



Kiirose shiqishanno yannara rosaano hagiidhite anga gantannose. Kiirotenni sayissanno sokka hagiirsiissannotenna ososhshiishshannote. Konni assootisenni duucha hinge tajete woraqata ba'raansoonnise.

Wole widoonni, ka're lamalate  
giddo mitto barra maxaaffate  
mine horoonsidhanno yanna noose.  
Nabbabbanno woyite hasiisannosere  
baala qaagiishshaho amaxxitanno.

Hala'lado mini looso uynanninsa yannara  
addi addi taje afi'rate maxaaffate  
mine e'e babbaxxitino maxaaffa  
la'anno. Qoleno, kifilete rossino rosono  
kaajjishi'ratenna egenno lexxate roortino  
mashalaqqe afidhannohu maxaaffate  
mininniiti. Kifilete rossanno maxaaffa  
gobbaanni kaa'litannota irkisaano  
maxaaffa seekkite horoonsidhanno.

## Cufote Ayyaani Barra

Ka'reoo rosi mini roso gude rosu  
mine cufi'ranno barri dayi. Rosaante  
maate ragu ragunkunni dagge hoowe  
wo'mitino. Ka're maatennino annise,  
amasenna roduuwise cufote ayyaana  
ayirrisate Ka're dukkise hakko leellino.

Rosu mini dancha guma abbitinorira  
ba'raarsha aa hanafi. Hedeweelcho  
ka're woshshine rosu mine baalanka  
roorro guma abbase xawinsi.



Hakko manni baalu hagiidhe, “Meyata rosiisi’ne ada digaabbinanni?” yii. Ka’re ama woshshine iserano ba’raarsha uyini seta, “Beetto’ya yannase garunni horoonsidheeti konnira iillitino hu,” yite farcidhu.

## Nabbawate gedensiidi xa'mo

Biddissa: Aante noo xa'mo niwaawete hedo garinni dawari.

1. Tini dhagge ayere odeessitanno?
2. Ka're worba ikkite maateserenna qachaho baxantara dandiitino hu mayraati?
3. Ka're rosu mine fooliishshote yannara maa maa assitanno?
4. Kine'ne mine'ne maate'ne kaa'latenna rosi'nera xiinxawo assate yanna'ne hiittoonni horonsidhinanni?
5. Worbiniro woy jawaantiro maa afi'nara dandiinanni?

